



## Christian Venzin-Flury

Carstgauns che nus entupein il medem di ch'els mieran laian anavos en nus agens sentiments. Quei ei tuttina stau il cass tier la mort dil Christian. Naschius ils 13 da matg 1942 sco emprem fegl da Giachen Antoni Venzin e da Catrina Venzin-Caduff. Sco fegl vegl ha ei tuccau ad el da segidar en famiglia ed el ha surpriu da far il pur. El era in bien pur, fageva cun plascher e tuttina ha il temps sfurzau el da vender ils tiers e schar far auters il fatg ed ira alla fadigia. Igl onn 1980 sespusescha el cun Zita Flury da Trun. Els han dus fecls.

El ha luvrau sco pur, sco luvrer e sco survient. Aschia tier la firma Murer e tier la firma Loretz, lu

sco magasiner tier il consum VOLG e gest quest onn haveva el entschiet en ina nova plazza en la casa Soldanella a Rueras. Buca ditg ha quei cuzzau, sia mort ei secumplenida ils 20 da schaner, tut anetgamein per ils ses e per tuts vischins. Ina greva supresa. Dieus vegli dar ad el il ruaus perpeten e la consolaziun a sia consorta ed a ses affons.